

- SNAGA LOKALNOG -
INKLUZIJA, ZDRAVLJE I BLAGOSTANJE ZA LOKALNE ZAJEDNICE – IZBOR
KRITERIJI ZA EVALUACIJU PROJEKTNIH PRIJEDLOGA U OKVIRU JAVNOG
POZIVA ZA DOSTAVLJANJE PROJEKATA

O projektu

Projekat „Inkluzija, zdravlje i blagostanje - IZBOR“ realizira Udruženje „Žene sa Une“a u okviru USAID projekta Snaga lokalnog/Podrška lokalnim resursnim organizacijama (LRO/A), koji implementira Udruženje Mreža za izgradnju mira. Projekat podrazumijeva inicijativu za osnaživanje lokalnih zajednica i lokalnih inicijativa u gradovima Bihać, Cazin i Bosanska Krupa. Riječ je o lokalnim zajednicama u kojima je izvršeno participativno mapiranje socio-ekonomskih razvojnih potreba lokalnih zajednica i analiza njihove usklađenosti sa lokalnim razvojnim strategijama i planovima u BiH. Nekoliko desetina udruženja koja su aktivna u ove tri lokalne zajednice kada su u pitanju oblasti zdravlja i inkluzije predstavljaju izuzetan potencijal za razvoj, ali koji od strane lokalnih vlasti nije prepoznat.


Sveukupni cilj projekta je poboljšanje životnog standarda lokalnog stanovništva u područjima socijalne inkluzije, zdravlja i blagostanja kroz jačanje i promocija građanskog aktivizma i lokalnog civilnog društva putem pružanja finansijske podrške u cilju osnaživanja lokalnih organizacija i lokalnih inicijativa koje zbližavaju građane i motivišu ih da se samoorganizuju, učestvuju i budu inkluzivni u rješavanju problema i izazova sa kojima se suočava njihova lokalna zajednica.

Ciljnu grupu ovog projekta čine neformalne grupe građana, organizacije civilnog društva, građani, privatni sektor i lokalne vlasti.

Ovaj dokument utvrđuje kriterije evaluacije kvaliteta projektnih prijedloga u okviru projekta Inkluzija, zdravlje i blagostanje za lokalne zajednice – IZBOR koji implementira Udruženje „Žene sa Une“, a koji je dio Platforme za razvoj kapaciteta koja se realizira putem lokalnih razvojnih organizacija (LRO) koju implementira Udruženje „Mreža za izgradnju mira“ u okviru USAID-ovog petogodišnjeg programa „Snaga lokalnog“.

Kriteriji za evaluaciju kvaliteta projektnog prijedloga

Zaprimljene projektne prijedloge će razmatrati i ocjenjivati Komisija sačinjena od pet (5) članova koji su interesno nepovezani sa aplikantima. Komisija će zasjedati u tri navrata i sa tri različita sastava. U sastavu komisije će biti tri predstavnika Udruženja



„Žene sa Une“, jedan predstavnik Vlade Unsko-sanskog kantona, te po jedan predstavnik gradova Bihać, Cazin i Bosanska Krupa za svaki od tri ciklusa zasjedanja komisije.

Evaluacija projektnih prijedloga se vrši u tri faze – faza administrativne provjere, faza tehničke provjere i faza provjere kvaliteta projekta. Projektni prijedlozi koji prođu fazu administrativne provjere, ulaze u fazu tehničke provjere, a projektni prijedlozi koji prođu fazu tehničke provjere, se razmatraju u pogledu kvaliteta projektnog prijedloga.

Procjena kvaliteta projektnog prijedloga se vrši u skladu sa kriterijima utvrđenim u tabeli za evaluaciju koja je sastavni dio ovog dokumenta. Tabela se sastoji od osam (8) opštih kriterija – relevantnost, izvodivost, dosljednost, ekonomičnost, održivost, učešće lokalne zajednice, partnerstvo i saradnja, te aktivizam. Svaki od opštih kriterija ima posebne sekcije koje pobliže opisuju i objašnjavaju pojedine opšte kriterije.

Sistem bodovanja

Svaki kriterij u bodovnoj tabeli se sastoji od nekolikosekcija koje se obavezno ocjenjuju ocjenama između 1 i 5 na sljedeći način: 1 = veoma loše; 2 = loše; 3 = odgovarajuće; 4 = dobro; 5 = veoma dobro. Svaki član komisije popunjava i potpisuje svoju individualnu evaluacionu tabelu, nakon čega svi članovi zajedno popunjavaju i potpisuju zbirnu evaluacionu tabelu za svaki projektni prijedlog. Rangiranje projektnih prijedloga se vrši na način da je prvoplasirani projektni prijedlog onaj koji ima najveći zbir bodova, nakon čega slijedi projekat sa prvim sljedećim nižim zbirom bodova, i tako do najnižeg zbira osvojenih bodova.

Projektni prijedlozi koji su dobili preko 50 bodova će biti razmatrani za finansiranje, a projektni prijedlozi koji su ispod ovog praga nisu zadovoljili minimalne standarde relevantnosti i učinkovitosti.

Odluka o odobrenju granta zasnovana je na ukupnom broju projekata koji mogu biti finansirani u okviru raspoloživih sredstava. Svrha ovih kriterija je da osiguraju odabir projektnih prijedloga koji pružaju najbolju vrijednost za odobrena sredstva.

Projektni prijedlozi mogu od strane komisije biti u potpunosti odobreni ili uslovno odobreni. U slučaju uslovnog odobrenja projektnog prijedloga, aplikantu će biti predložene izmjene u rezultatima, aktivnostima ili budžetu projekta koje su uslov da projekat budu odobren. Svaki od aplikanata čiji projektni prijedlozi budu uslovno odobreni, će biti obaviješten o zaključcima Komisije pismenim putem. Podnosiocima prijave koji pristanu na predložene korekcije će biti odobrena sredstva u skladu sa predloženim izmjenama.

Tabela za evaluaciju

Kriteriji i sekcije	Maksimalan broj bodova	Ocjena
1. Relevantnost	20	
1.1. Koliko je projekat relevantan u odnosu na tematske oblasti javnog poziva?	5	
1.2. Koliko je jasno definisana i odabrana ciljna grupa korisnika projekta?	5	
1.3. Koliko su jasno definisane i procijenjene potrebe ciljne grupe korisnika?	5	
1.4. Kolika je dodatna vrijednost projekta u smislu inovativnosti i višestrukog doprinosa tematici projekta „Inkluzija, zdravlje i blagostanje za lokalne zajednice – IZBOR“?	5	
2. Izvodivost	20	
2.1. Koliko iskustva ima/ju aplikant/i u upravljanju projektima?	5	
2.2. Kakve stručne kapacitete ima/ju aplikant/i u smislu poznavanja konkretnih pitanja na koja se odnosi projekat?	5	
2.3. Kakve upravljačke kapacitete ima/ju aplikant/i u smislu menadžerskih i administrativnih kompetencija osoblja, infrastrukture, opreme i drugih resursa?	5	
2.4. Kolika je vjerovatnoća uspješne realizacije ciljeva projekta s obzirom na vremenski okvir, potrebne resurse i rizike?	5	
3. Dosljednost	10	
3.1. Koliko predložene aktivnosti adekvatno odgovaraju identificiranim potrebama ciljne grupe?	5	
3.2. Koliko je kvalitetan i konzistentan cjelokupan dizajn projekta, da li su predložene aktivnosti odgovarajuće, praktične i dosljedne ciljevima i očekivanim rezultatima, i da li projekat uzima u obzir sve relevantne faktore i potencijalne rizike?	5	
4. Ekonomičnost	10	
4.1. Koliko su troškovi nabavke roba usklađeni sa potrebama ciljne grupe i cijenama na lokalnom tržištu?	5	
4.2. Koliko su troškovi rada osoblja i nabavke usluga usklađeni sa potrebama ciljne grupe i cijenama na lokalnom tržištu?	5	
5. Održivost	10	
5.1. U kojoj mjeri projekat rezultira dugoročnim efektima na ekonomske uvjete ili kvalitet života u lokalnoj zajednici?	5	
5.2. U kojoj mjeri projekat utiče na promjenu lokalnih politika ili uvodi modele dobre prakse i kakva je vjerovatnoća repliciranja ovih modela u toj ili drugim zajednicama?	5	



USAID
OD AMERIČKOG NARODA



Udruženje mreža
za izgradnju mira

6. Učešće lokalne zajednice	20	
6.1. Koliko volonterskog rada pružaju akteri uključeni u implementaciju projekta?	5	
6.2. Koliko roba i materijalno-tehničkih sredstava pružaju akteri uključeni u implementaciju projekta?	5	
6.3. Lokalna zajednica ili drugi donatori su obezbijedili sufinansiranje projekta u iznosu od 33% do 52% ili više, od vrijednosti granta koji dodjeljuje Udruženje „Žene sa Une“. (broj procenata iznad 33% podijeliti sa 4 i zaokružiti na veći broj)	5	
6.4. Lokalna zajednica ili drugi donatori su obezbijedili sufinansiranje projekta u iznosu od 53% do 72% ili više, od vrijednosti granta koji dodjeljuje Udruženje „Žene sa Une“. (broj procenata iznad 53% podijeliti sa 4 i zaokružiti na veći broj)	5	
7. Partnerstvo i saradnja	5	
7.1. Koliko realizacija projekta uključuje partnerstva sa drugim organizacijama civilnog društva ili neformalnim grupama građana, odnosno saradnje sa pojedincima, lokalnim vlastima, ustanovama, poslovnim subjektima, itd.?	5	
8. Aktivizam	5	
8.1. U kojoj mjeri projektne aktivnosti podrazumijevaju promociju građanskog aktivizma ili angažman velikog broja građana i volontera?	5	
Maksimalni ukupni zbir	100	

Napomena o Kriteriju 1. Relevantnost

Ukoliko je ukupan zbir bodova pod Kriterijem 1 – Relevantnost, niži od 16 bodova, projekat će biti isključen iz daljnjeg evaluacionog procesa, jer ovakva procjena podrazumijeva da sama projektna ideja nije relevantna, niti u skladu sa definisanim tematskim oblastima iz javnog poziva, te ne utiče u dovoljnoj mjeri na zadovoljenje potreba lokalne zajednice.

Napomena o Kriteriju 2. Izvodivost

Ukoliko je ukupan zbir bodova pod Kriterijem 2 – Izvodivost, niži od 10 bodova, projekat će biti isključen iz daljnjeg evaluacionog procesa, jer je procijenjeno da aplikant nema minimalne kapacitete za kvalitetnu implementaciju predloženog projekta ili je implementacija predloženog projekta nerealna.